

Figl d'infurmaziun pert. la dumonda da lubientscha per en'occurrenza sen taragn public/privat (cun u sainza lubientscha per manar en'ustareia occasiunala)

Activitads gastronomicas oblieidas d'aveir ena lubientscha

Sa basond agl art. 4 dalla lescha d'ustareias digl cantun Grischun.

¹ Ena lubientscha è necessaria per

- a) vender speisas e bavrondas per consumar segl li;
- b) surlascher lis per consumar speisas e bavrondas purtadas cun sasez u furneidas;
- c) realisar occurrenz, noua tgi vignan consumadas speisas e bavrondas purtadas cun sasez u furneidas;

² La cunsigna da speisas e bavrondas aint igl spazi privat saro obliescha d'aveir ena lubientscha, schinavant tgi ella succeda a moda commerciala.

Procedura

Sainza ena lubientscha correspondententa dastga igl taragn public (veias, passapes, plazzas, zonas verdas etc.) betg neir duvro per adiever commercial u per otras occupaziuns.

La lubientscha sa referescha ad en menaschi definia u en'occurrenza defineida e vign dada ad ena persunga abla d'ager tgi è responsabla per igl menaschi e l'occurrenza e tgi garantescha en manaschamaint pulizial irreproschabel e correct digl menaschi u dall'occurrenza. Schinavant tgi tot las cundiziuns èn adampleidas vign la lubientscha cunsigneida agl petent siva dall'approvaziun.

La dumonda per ena lubientscha tenor art. 3 alinea 1 dalla lescha d'ustareias è d'inoltrar all'administraziun communal aglmanc en meis avant tgi en menaschi vign avert u surpiglia resp. en'occurrenza vign realisada.

Ranviament: La vendita da bavrondas destilladas è lubeida angal cun ena lubientscha cantunala. Chella è da neir dumandada agl Uffezi per la sierezza da victualias e per la sanadad d'animals a Coira. Lubientschas cantunalas per la vendita da bavrondas destilladas sa basan adegna ad ena lubientscha communal da manar en'ustareia occasionala.

Resalvas spezialas

Scumandada è tranter oter la vendita

- da bavrondas alcoholicas alla giuventetna sot 16 onns ed a sturns;
- da bavrondas destilladas u da bavrondas masdadas a basa da bavrondas destilladas alla giuventetna sot 18 onns;
- da bavrondas alcoholicas antras automats tgi èn accessibels publicamaintg;

Tgi risca da survagneir en castei?

An amprema lengia vign denunztgia igl persunal da vendita, cassa e service – damai tgi tgi vign directamaintg an contact cun igl giuvenil. Mademamaintg pon neir citos igl hospitant, igl gestiunari u igls organisatours d'ena festa, cuncheigl tgi chellas persungas èn responsablas per igl manaschamaint pulizial irreproschabel e correct digl menaschi scu er per igl cumportamaint da lour ampluias.

Persistenza:

Pertutgont la realisaziun d'occurrenzas favorevlas agl ambiaint dattigl infurmaziuns sot igl link: www.saubere-veranstaltung.ch.

Protecziun cunter canera:

Infurmaziuns pertutgont las immissiuns da canera e gleisch aint igl territori abito èn da cattar sot igl link: www.laerm.ch/de/laermquellen/laermquellen-und-beurteilung.